

JU ZAVOD ZA MEDICINU RADA KANTONA SARAJEVO, Bulevar Meše Selimovića 2. Sarajevo, koga zastupa v.d. direktorica Prim.dr Kasema Telalagić, spec. oftalmolog (u daljem tekstu: davalac usluga) i

JU SREDNJA ŠKOLA ZA OKOLIŠ I DRVNI DIZAJN, ul. Vilsonovo šetalište br.11., Sarajevo, koju zastupa direktor Muamer Murartović (u daljem tekstu: korisnik usluga),

zaključili su dana 14.05.2019.godine

U G O V O R o obavljanju sistematskih ljekarskih pregleda

PREDMET UGOVORA

Član 1.

Ovim Ugovorom, regulišu se međusobni odnosi ugovornih strana, u vezi usluga obavljanja preventivnih ljekarskih pregleda zaposlenika korisnika usluga, u pogledu sadržaja pregleda, cijene i uslova plaćanja, organizacije samih pregleda, roka izvršenja i drugo.

SADRŽAJ PREGLEDA

Član 2.

Ugovorne strane su saglasne da okvirni sadržaj pregleda obuhvati:

1.0. Sadržaj pregleda

- Laboratorijske pretrage (SE, KKS, ŠUK,urin, urea, kreatinin, holesterol, trigliceridi, AST, ALT, Fe u serumu)
- EKG sa očitanjem
- RTG pluća sa očitanjem
- Pregled oftalmologa
- Pregled neuropsihijatra
- Nalaz psihologa
- Pregled specijaliste medicine rada (opći pregled).

CIJENA I USLOVI PLAĆANJA

Član 3.

Cijena pojedinačnog pregleda, sa sadržajem, pod 1.0. iznosi **50,00 (pedeset) KM**, pojedinačno.

Ukupna cijena pregleda za cca 40 (četrdeset) uposlenika bi iznosila **2.000,00 (dvijehiljade) KM**.

U cijenu pregleda uključena je i izrada završnog Izvještaja o obavljenim pregledima, sa ocjenom radne sposobnosti i statističkom analizom obavljenih pregleda po dijagnozama.

Ukoliko bude potrebe za izdavanjem nove sanitarne knjižice uposlenika na dan obavljanja pregleda, cijena iste iznosi 5,00 (pet) KM.

Član 4.

Plaćanje će se izvršiti po obavljenim pregledima, i po ispostavljenoj fakturi, u zakonskom roku.

Zdravstvene usluge, koje su predmet ovog Ugovora oslobođene su plaćanja PDV-a, na osnovu člana 24. stav 1. tačka 2. Zakona o porezu na dodatu vrijednost, te člana 25. stav 1. tačka 1. Pravilnika o primjeni Zakona o porezu na dodatu vrijednost

ORGANIZACIJA PREGLEDA

Član 5.

Pregledi će se obaviti u dogovorenom terminu, između ugovornih strana.

Član 6.

Korisnik usluga će svoje zaposlenike uputiti na pregled 13.06., 14.06. i 17.06.2019.godine, samo ukoliko je najmanje jedan dan ranije, dostavio njihova imena na faks: 720-186 ili na e-mail: zzmrs@bih.net.ba.

OSTALE ODREDBE

Član 7.

Davalac usluga se obavezuje, da će ugovorene preglede obaviti profesionalno / na najkvalitetniji način i u skladu sa medicinskom etikom.

Član 8.

Pitanja koja nisu regulisana ovim Ugovorom, ugovorne strane će rješavati sporazumno.

Član 9.

Ugovor stupa na snagu danom potpisivanja.

Član 10.

Ovaj Ugovor je sačinjen u četiri (4) istovjetna primjerka, od kojih svaka ugovorna strana, zadržava po dva (2) primjerka za svoje potrebe.

ZA KORISNIKA USLUGA

Direktor

Muamer Muratović, prof.

Broj: 647/19
Sarajevo, 15.5.19.

ZA DAVAOCA USLUGA

y.d. Direktorica

Prim.dr Kasema Telalagić, spec.oftalmolog

Broj: 01-10-422-2/19
Sarajevo, 14.05.2019.godine